

SCRIPT OF EVENING GOJRI NEWS BULLETIN 21AUG 1700 HRS

ایونینگ گو جری نیوز بلیٹن مورخہ 21 اگست 2025

یوہ آکا شوانی جموں ہے محمد اشفاق تے نصرت چوہدری تیں خبر سُنو۔

HEADLINES

- ۱۔ ترے روزہ کھیلو انڈیا واٹر سپورٹس فیسٹیول کی شروعات آج شام ڈل جھیل سرینگر مانہ کی جے غی۔
- ۲۔ لوک سبھا تے راجیہ سبھا مانہ مون سون سیشن کی کاروائی آج ختم ہو گئی ہے۔
- ۳۔ پارلیمنٹ نے آن لائن گیمنگ بل 2025 نانہ منظوری دے دتی ہے۔
- ۴۔ مرکزی وزیر ڈاکٹر جتندر سنگھ نے کہیو ہے جے ریلوے ٹکٹ پروگرام مانہ ادھمپور گو ناں جلد شامل کیو جے غو۔
- ۵۔ محکمہ موسمیات نے جموں کشمیر گا کنیں علاقہ مانہ تیز بارشاں سنگ سیلابی خطرہ کی پیش گوئی کی ہے۔

WATER SPORTS FESTIVAL

ترے روزہ کھیلو انڈیا واٹر سپورٹس فیسٹیول گو آغاز آج سام تیں شروع ہو رہیو ہے تے یوہ 23 اگست توڑی سرینگر غا مشہور ڈل جھیل ور جاری وے غو اس غو انعقاد بھارتی کھیڈ اتھارٹی تے جموں کشمیر کھیڈ کونسل مل غے کرا رہی ہے۔ اس تقریب گو مقصد جموں کشمیر غی چقاقت تے قدرتی حُسن نانہ آجاگر کرنو ہے اس مانہ پورا ملک غا 36 ریاستاں تے مرکزی زیر انتظام علاقہ تیں 500 کھیداری حصو لے رہیا ہیں مقابلہ مانہ رروننگ، کینونگ تے کایا کنگ جیسا کھیڈ شامل ویں غا اس تیں علاوہ اس تقریب مانہ واٹر سکنگ ڈراگن بوٹ تے شیکارا ریس جیسا نمائشی مقابلہ وی ویں گا۔ افتتاحی تقریب آج شام شیر کشمیر بین العوامی کنونشن مرکز سرینگر مانہ وے غی جس مانہ مرکزی وزیر مملکت برائے نوجوان رکشا نکھل کھڈسے جموں کشمیر غا لیفٹیننٹ گورنر منوج سنہا تے وزیر اعلیٰ عمر عبداللہ شریک ویں گا۔

PARL SINE DIE

لوک سبھا تے راجیہ سبھا اس سیشن کی کاروائی گو آج آخری تہارو تھو یاد رہ جے مونسون سیشن گو یوہ اجلاس گزشتہ مہینہ کی 21 تاریخ نال شروع ہو تھو لوک سبھا اسپیکر اوم برلا نیڈسیو ہے جے اس اجلاس گے دوران قریب 14 سرکاری بل پیش کیا گیا جن بچوں 12 بل منظور کیا گیا ہیں اُنہاں نے مزید دسیو جے اس اجلاس گے دوران آپریشن سندور ور وی خصوصی تبادلہ خیال کیو گیو جس گو اختتام وزیر اعظم نریندر مودی گا جواب ور کیو گیو۔ اُنہاں نے مزید کہیو جے اس دوران بھارتی خلائی پروگرام کی کامیابیاں بارے وی گل بات کی گی اس بارے بولتاں لوک سبھا اسپیکر جناب اوم برلا نے اس طرح کہیو۔

ONLINE GAMING BILL

پارلیمنٹ نے آن لائن گیمنگ بل 2025 نانہ منظور کرلیو ہے تے راجیہ سبھا نے اس بل نانہ آج منظوری دتی ہے واضع رہ جے یوہ بل ای سپورٹس تے آن لائن سوشل گیمز

گی حوصلہ افزائی کرے جد کے نقصان دے آن لائن گیمنگ سروس اشتہارات تے ان بارے مالی لین دین ور پابندی وی لاوے اس بل گے مطابق آن لائن منی گیمنگ گی پیشگی یا ایسی سہولت فراہم کرن ور پابندی لانی بے قابل ذکر بے جے آن لائن منی گیمنگ متعلق قانون گی خلاف ورزی گی صورت مانہ 3 سال تک گی قید تے ایک کروڑ روپیہ تک گو جرمانوں عائد کیو جے غو۔

ONLINE GAMING

ملک غا کئی رہائشیاں نے حال ہی مانہ پارلیمنٹ مانہ متعارف کرایا گیا آن لائن گیمنگ بل 2025 گو خیر مقدم کی وے تے اس مانہ ایک ترقی پسند قدم قرار دتو گیو بے جس سنگ نوجوان اپنی توانائی مانہ تعمیری تے منظم انداز مانہ استعمال کرسکیں غا اس سلسلہ مانہ والدین تے اساتذہ نے وی اس قدم گی تعریف کرتا واں کہی وجے یوہ قدم نوجوانان مانہ بری عادت تے آن لائن ذریعے کا غلط استعمال توں روکن مانہ خاصی مدد کرے گو اس بارے بولتا واں مقامی لوکاں نے اس طرح کہیو۔

PTC ANNOUNCEMENT

علاقائی خبراں آلا شعبہ آکاشوانی جموں غی طرفوں ضلع جموں واسطے عارضی نامہ نگاراں یعنی پی ٹی سی واسطے درخواست منگی گئی ہیں۔مجوزہ پرفارمہ ور عارضی نامہ نگار غی پوسٹ مانہ دلچسپی رکھن آلا ایسا امیدوار درخواست دے سکیں گا جہیڑا ضلع جموں گا بسنیک ویں تے اُن غی عمر 24 براں تیں 50 براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا صحافت غا شعبہ مانہ ڈگری یا فیر تسلیم شدہ یونیورسٹی تیں گرجویشن غے ہمراہ 2 براں غو صحافت مانہ تجربو مقرر کیو گیو بے۔اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا کوریج مانہ تجربو وی ضروری ہے۔عارضی نامہ نگار غی پوسٹ مانہ دلچسپی رکھن آلا امیدوار واسطے لازمی ہے جے ضلع صدر دفتر جموں یا اس تیں 10 کلو میٹر غادائرہ غے اندر رہائش پزیر وے اس سلسلہ مانہ درخواست غی ہارڈ کاپی ضروری دستاویزات غے ہمراہ ہیڈ ریجنل نیوز یونٹ آکاشوانی پنجترتھی جموں مانہ بڑات خود آئیندہ 31 اگست 2025 توڑی دے سکیں۔ اس بارے مزید جانکاری ویب سائٹ

ور دستیاب ہے۔ www.newsonair.gov.in

JITENDRA UDH RLY STN

مرکزی وزیر ڈاکٹر جتندر سنگھ نے اج اعلان کی وکہ ادھمپور غوناں جہڑو کمپیوٹر آلا ریلوے ٹکٹ نظام مانہ غلطی تیں رہ گیو تھو جلد ہی دوبارہ شامل کردتو جے غو۔ایک سماجی میڈیا پوسٹ مانہ ڈاکٹر سنگھ نے دسیو کہیوہ درستگی غو عمل ریلوے غا وزیر اشونی ویشنو غی ذاتی مداخلت تیں شروع ہوو۔انہاں نے مزید کہیو کہ ادھمپور ہوائی اڈہ تیں جلد ہی عام مسافراں واسطے پرواز شروع ہو جیں غی جس واسطے ضروری انتظامات آخری مرحلہ مانہ ہیں ڈاکٹر سنگھ نے کہیو کہ اس تیں ضلع مانہ نوا آمدرفت تے ترقی غا نوا رستہ کھلیں غا۔ یوہ قدم وزیر اعظم نریندر مودی غو اس علاقہ واسطے ترجیح نانہ ظاہر کرے۔

RECRUITMENT RALLY

ضلع پونچھ گا مقامی نوجوانان نانہہ باختیار بنان خاطر ایک بڑی پیش رفت غے تہت بھارتی فوج نے گراں ساوجیاں مانہہ دو روزہ پورٹر بھرتی کرن بارے ایک ریلی گو انعقاد کیو اس ریلی مانہہ مقامی نوجوانان نے برا جوش و خروش سنگ ھسو لیو تے بھارتی فوج مانہہ پورٹر گی ملازمت واسطے اپنو اندراج وی کرایو اس بھرتی گو مقصد نا صرف نوجوانان نانہہ ملازمت دینی ہے بلکہ مقامی لوکان تے فوج بشکار تعلق نانہہ مضبوط بنانو ہے اس سلسلہ مانہہ مقامی لوکان نانہہ بھارتی فوج گو شکریو ادا کیو تے اس بارے بولتا وں ایک نوجوان ظفر اقبال نے اس طرح کہیو۔

RAMBAN AMBULANCE

ضلع کشتواڑ مانہہ 14 اگست آلے تہاڑے ایک تباہ کن بادل بھٹ جان گے نال دور دراز علاقہ مانہہ ایک افراتفری تے ڈرگو ماحول پھیل گیو ہے واضع رہ جے اس تباہی گے دوران ضلع رام بن گا طبی محکمہ نے ایمبولینس گے بھیج گے اپنی ہنگامی خدمات انجام دتیں اس زمن مانہہ ضلع رام بن گا طبی محکمہ نے اپنی خدمات باخوبی انجام دیتا وں شدید بارشاں تے خراب موسم گے پیش نظر فوت ہوا تے زخمی افراد نانہہ محفوظ مقام ور پُجایو یاد رہ جے کنٹرول روم رام بن نانہہ جد ابتدائی الرٹ موصول ہوو تے فوری طور ور قریب 6 ایمبولینس روانہ کی گئیں آکاشوانی غا خبراں آلا شعبہ سنگ گل کرتا وں چیف میڈیکل آفیسر رام بن کمالجی زادو نے اس طرح کہیو۔

SAMBA HRD

سانہہ ضلع غا بلاک وجے پور غا گراں چنی منہاسہ مانہہ 2 روزہ انسانی وسائل بارے ترقی غو پروگرام منعقد کیو جارہی وے یوہ پروگرام مرکزی مشترکہ کیڑاں نانہہ ختم کرن بارے مرکز جموں غی طرفوں وزارت زراعت و کسانان غی فلاح بھارتی حکومت غے تہت یوہ پروگرام پوداں غا تحفظ تے ذخیرہ غا مہکمہ غی نگرانی مانہہ منعقد ہوو۔ اس پروگرام مانہہ کسان، مقامی نمائندان تے زرعی افسران نے بھر پور شرکت کی ڈاکٹر ایم کے آریا ڈپٹی ڈائریکٹر سی آئی پی ایم سی جموں نے مشترکہ کیڑاں گا انتظام ور تفصیلی تے معلوماتی خطاب کیو۔

WEATHER

مقامی محکمہ موسمیات غی طرفوں موسم غی اک تفصیل جاری کی گئی ہے جس مانہہ آئیندہ دنان غے دوران پہاری بارشاں ت ممکنہ سیلابی صورتحال غو امکان ظاہر کیو گیو ہے آکاشوانی جموں گا مہارا نمائندہ نے جانکاری دیتا وں دسیو ہے جے اس موسمی پیشن گوئی غے مطابق جموں ریاسی ادھمپور راجوری کٹھوعہ ت یسانہہ مانہہ 22 اگست غی رات نانہہ پہاری بارش غو امکان ہے جدکہ 23 تے 26 اگست غے بشکار زیادہ تر موسم خراب رہن غی پیشن گوئی ہے جد بلکی تیں درمیانہ درجہ غی بارشاں ت گرج چمک غوا مکان ہے جدکہ کُج علاقہ مانہہ پہاری بارش وی ہوسکے اس عرصہ مانہہ پہاری بارش سنگ جموں ریاسی ادھمپور سانہہ کٹھوعہ راجوری اننت ناگ تے کلگام غا علاقہ متاثر ہو سکیں۔ جد کہ پونچھ رام بن ڈوڈھ تے کشتواڑ مانہہ درمیانہ تیں پہاری بارش غو امکان ہے۔
